



Næstu rusladagar

16. apríl - Almennt sorp

30. apríl - Almennt sorp

8. maí - Endurvinnsla

15. maí - Almennt sorp

Björgunarsveitin

Björgunarsveitin Týr hefur til sölu sjúkrapúða í 5 mismunandi stærðum. Henta þeir vel í styttri eða lengri göngur, fyrir heimilið, bílinn, sumarhúsið eða vinnustaðinn.



Allar umbúðir eru merktar á íslensku.

Sjúkrapúði 100	3.990 kr.	Stuttar göngur, hægt að festa á belti.
Sjúkrapúði 200	4.300 kr.	Göngur, hægt að festa á belti.
Sjúkrapúði 300	5.600 kr.	Lengri göngur, hægt að festa á belti.
Sjúkrapúði 400	7.600 kr.	Í bílinn, sumarbústaðinn, minni heimili.
Sjúkrapúði 500	8.900 kr.	Í bílinn, sumarbústaðinn, á heimilið.

Púðarnir verða til sýnis fyrir föstugönguna og eins er hægt að senda myndir og upplýsingar um innihald púðanna í tölvupósti.

Frekari upplýsingar og pantanir í síma 892 7873.

ATH erum ekki með posa!

Skráning í vinnuskólann

Skráning er hafin í Vinnuskóla Svalbarðsstrandarhrepps sumarið 2014. Skráningin fer fram á vefsíðu sveitarfélagsins www.svalbardsstrond.is. Vinnuskólinn er ætlaður unglingum fæddum árin 1998 til 2000. Reynt er að hafa sumarstörfin eins fjölbreytt og frekast er unnt, en fyrst og fremst er um að ræða umhverfisverkefni af ýmsum toga s.s. slátt og hirðingu lóða og opinna svæða, hreinsun rusls af vegsvæðum og víðar o.s.frv. Nánari upplýsingar um vinnuskólann eru á heimasíðu sveitarfélagsins www.svalbardsstrond.is.

Umhverfisvika

Dagana 23. maí - 1. júní stendur Umhverfisnefnd Svalbarðsstrandarhrepps fyrir umhverfisviku til hvatningar fyrir íbúa sveitarfélagsins við vorverkin. Íbúar og sumarhúsaeygndur eru hvattir til að nota þetta tækifæri til að taka til í sínu nánasta umhverfi.

Hreinsun svæðisins meðfram þjóðvegi 1

Eins og undanfarin ár er óskað eftir þátttöku sjálfboðaliða í hreinsun svæðisins meðfram þjóðvegi 1. Safnast verður saman við Valsárskóla og á útsýnispallinum neðan Veigastaðavegar fimmtudaginn 29. maí (uppstigningardag) og skipt í hópa. Þeir sem það geta eru beðnir að koma á bíl með kerru.



Mynd Völundur Jónsson

Þátttakendur eru hvattir til að klæða sig eftir veðri og mæta með vinnuvettlinga. Þeir sem eiga öryggisvesti með endurskini eru hvattir til að mæta í þeim.

Við vonumst eftir að sjá sem flesta í hreinsunarátakinu!

Molta og trjákurl

Í umhverfisvikunni geta íbúar náð sér í moltu og mold í garðinn á „tippnum“ á Svalbarðseyri. Moltan er afar góð til að auka næringargildi jarðvegs og hana má því nota til áburðar með góðum árangri.

Einnig mun trjákurl verða gert aðgengilegt á „tippnum“ sem íbúum er frjálst að taka af til að nota í runnabeð, stíga o.þ.h. Kurlið er einnig gott í heimajarðgerðina fyrir þá sem eru með jarðgerðartunnur.

Gámar og kerrur fyrir garðaúrgang

Líkt og síðustu ár verður kerrum sveitarfélagsins komið fyrir í Smáratúni og Laugartúni til afnota fyrir íbúa sem þurfa að losna við garðaúrgang. Starfsmenn sveitarfélagsins munu reyna að losa kerrurnar eftir þörfum, en þegar kerra er full mega þeir sem eru með krók á bílum sínum gjarnan losa hana á „tippnum“.

Gámar fyrir garðaúrgang og almennt sorp eru á gámasvæðinu í Kotabyggð og í ár verður einnig komið fyrir gámum fyrir garðaúrgang og almennt sorp í Heiðarbyggð í umhverfisvikunni.

Söfnun brotajárns

Í tengslum við umhverfisvikuna verður boðið upp á að hjólbarðar og brotajárn verði sótt heim á hlað hjá þeim sem þess óska. Lítil prýði er af bílflökum, gömlum girðingum og fleiru járnarusli sem leynist víða um sveitina okkar og eru íbúar því hvattir til að nota þetta tækifæri til að losa sig við slíkt af landareignum sínum og plönunum.

Þeir sem vilja nýta sér þessa þjónustu þurfa að sjá til þess að hægt sé að ná til brotajárnsins með vörubílskrana frá heimreið eða hlaði, en ekki er rukkað fyrir þjónustuna.

Íbúar sem vilja losna við brotajárn eru beðnir að hafa samband við skrifstofu sveitarfélagsins fyrir 22. maí í síma 462 4320 eða í tölvupósti á netfangið magnus@svalbardsstrand.is.

Aðgerðir gegn ágengum plöntum

Undanfarin ár hefur Svalbarðsstrandarhreppur lagt íbúum til eitur til að eitra fyrir njóla. Njólinn hefur stungið sér niður víða og hefur verið í nokkurri sókn á undanföllum árum. Þessari þróun væri æskilegt að snúa við. Hægt er að fá eitur á skrifstofu sveitarfélagsins á opnunartíma hennar.



Baráttunni við kerfilinn verður haldið áfram og er stefnt að því að eitra fyrir honum meðfram þjóðveginum og í landi sveitarfélagsins í tvígang í sumar. Landeigendur eru beðnir að hafa samband við skrifstofu sveitarfélagsins í síma 462 4320 ef þeir óska eftir að taka þátt í samstarfi um eyðinguna.

Bjarnarkló hefur einnig stugið sér niður á nokkrum stöðum í sveitarfélaginu. Bjarnarkló er hættuleg planta og veldur slæmum bruna á húð, þannig að þeir sem verða hennar varir eru beðnir að stinga hana upp eða láta vita af henni svo hægt sé að uppræta hana í sveitarfélaginu áður en hún nær óviðráðanlegri útbreiðslu

Tökum höndum saman og gerum fallega sveit enn fallettri!

Kirkjan

Föstudagurinn langi 18. apríl

Föstuganga í Laufás. Lagt af stað frá Svalbarðskirkju kl. 11.00. Lesið úr píslarsögu við upphaf göngu. Björgunarsveitir í prestakallinu vakta gönguna. Súpa og brauð til sölu í þjónustuhúsinu í Laufási við komu. Tónleikar í Laufáskirkju kl. 14.30. Hjónin Ívar Helgason og Margrét Árnadóttir kalla fram ljúfa tóna.

Í Laufás á deginum langa
liggur vor för með lið.
Hin árvissa föstuganga
og Frelsarinn þér við hlið. (BPB)

Páskar 20.apríl

Páskaguðsþjónusta í Svalbarðskirkju kl. 11.00.

Kristín Bjarnadóttir og Sóley María Hauksdóttir í Sigluvík segja í guðsþjónustunni frá óvenjulegri heimsókn sinni til Bandaríkjanna nýverið.

Sumardagurinn fyrsti 24. apríl

Fermingarguðsþjónusta í Svalbarðskirkju kl. 11.00

Fermingarbörn:

Guðjón Armand Ericsson, Akureyri

Kristbjörg Marta Aðalsteinsdóttir, Laugartún 11

Kristján Freyr Guðmundsson Jóns, Urðargil 26

Orrí Möller, Lyngbergi

Sævar Gylfason, Breiðabóli

Mæðradagurinn 11. maí

Lokahátíð barnastarfsins í Laufási kl. 14.00.

Gleðilega páskahátíð!

Ströndungur kemur næst út þriðjudaginn 20. maí - skil 16. maí.